


კლასტერული რუკა

მოსწავლეები ავსებენ „კლასტერულ რუკას“ ახალი ლექსიკური ერთეულის შესასწავლად ან უკვე ნაცნობი სიტყვის/ცნების მნიშვნელობის სიღრმისეულად გასააზრებლად.



კლასი: II-VI

მუშაობის ფორმა: ინდივიდუალური, წყვილები, მთელი კლასი.

რესურსი: დაფა, ცარცი/მარკერი, ფურცელი.

მსვლელობა

I ეტაპი (ტექსტის წაკითხვამდე)

- მასწავლებელი მოსწავლეებს სთხოვს, სამი წუთის განმავლობაში ინდივიდუალურად ჩამოწერონ სულ მცირე სამი რამ, რაც იციან მითითებულ ცნებაზე (მაგალითად, ცხენთევზაზე).
- სამი წუთის შემდეგ მასწავლებელი სთხოვს მოსწავლეებს, თავიანთი ჩამონათვალი გაუზიარონ მეწყვილეს და შეაჯერონ საკუთარი ნააზრევნი.
- მასწავლებელი თითოეული წყვილის პასუხებს თავად წერს დაფაზე ან დიდი ზომის ფურცელზე.
- მახასიათებელთა/თვისებათა დაფაზე ჩამოწერის შემდეგ მოსწავლეები იწყებენ ისეთ მახასიათებელთა/თვისებათა შერჩევას, რომლებიც რაღაც ნიშნით ერთ ჯგუფში/კატეგორიაში შეიძლება გაერთიანდეს (მაგ., მწვანე, პატარა, აქვს ქერცლი - ეს თვისებები გაერთიანდება კატეგორიაში „გარეგნობა“). ასე შეიქმნება მახასიათებელთა რამდენიმე სვეტი თავიანთი დასათაურებით (სვეტების სათაურები შეიძლება იყოს: „საბინადრო აღივლი“, „კვება“, „გამრავლება“ და სხვ.).
- მახასიათებელთა სვეტებად ჩამოწერის შემდეგ მასწავლებელი იწყებს „კლასტერული რუკის“ შექმნას დაფაზე ან დიდფორმატიან ქაღალდზე. „კლასტერული რუკის“ შუაში, წრეში, იწერება ის ცნება, რომელზეც ივსება სქემა, ხოლო მასთან ხაზებით დაკავშირებულ წრეებში – ჯგუფის სახელები (კატეგორიები) კონკრეტულ მახასიათებლებთან ერთად. (ნიმუში იხ. ქვემოთ)
- დაფაზე შექმნილ „კლასტერულ რუკას“ მოსწავლეები თავიანთ რვეულებში გადაიხაზავენ.


II ეტაპი (ტექსტის წაკითხვის შემდეგ)

- ტექსტზე მუშაობის შემდეგ მოსწავლეები ჩაასწორებენ ან ჩაამატებენ ინფორმაციას პირველად შექმნილ რუკაში.
- განახლებული ჩამონათვალის გათვალისწინებით, ბავშვები შეასწორებენ (დაამატებენ ან მოაკლებენ მახასიათებლებს) სვეტებსაც. ბოლოს კი მიუბრუნდებიან საკუთარ რვეულებში გადატანილ „კლასტერულ რუკას“ და დაასრულებენ მის შევსებას.



[აქტივობის ვიდეოჯერსია](#)

შევსებული ნიმუში:



გარეგნობა	კვება	...	...	...

